



Ulloq/Dato: 30. marts 2010
J.nr.: 01.31.06/10-
00466

Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/10-00466 pillugu ataasinngornermi ulloq 29. marts 2010 aalajangiineranik Naalakkersuisunut ilisimatitsineq.

Maniitsumi suliffissuup ingerlanneqarnerata tiguneqarnissaa pillugu 2010-mi AGF-imut kiffartuussinissamik aningaasaliissutinut isumaqatigiissut (Suliaq nr. 01.31.06/10-466)

Naalakkersuisut inassutigaa,
kiffartuussinissamik isumaqatigiissut ilanngunneqartoq 1.125.000 kr.-inik aningaartaqartoq taamak isikkoqartillugu akuerineqassasoq, aamma
1.125.000 kr.-nit konto pingaarnermit 20.11.72-imit, Illoqarfiit nunaqarfiillu ilaanni immikkut ittumik suliniutissatut sillimmatinut tunngasumi aaneqassasut

Aningaasaqarnermut Ataatsimiititaliap oqaaseqaatai

2010-mi kiffartuussinissat pillugit Arctic Green Food-imik isumaqatigiissut Aningaasaqarnermut Ataatsimiititaliamit ulloq 23. december 2009-mi akuerineqarpoq. Suliaq 01.31.06/09-00456 innersuussutigineqarpoq.

Ataatsimiititaliap taamani aalajangiinerani ataatsimiititaliaq ilaatigut ima allappoq:

“Naalakkersuisut inassuteqaataat Aningaasaqarnermut Ataatsimiititaliap **akuerai** makkuninnga piumasagaatitalerlugit:

1. *RG pisussaaffilerneqassasoq nipisat tunisaanerisa nalaanni tunisassiorfiit tamanna akornutissaqanngippat ammatiinnarneqarnissaannut.*
2. *Isumaqatigiissummi § 5.2-mi aningaasat ingerlaernerannik nalunaaruteqartarnermut tunngasoq pisortat siulersuisullu akissarsiaqartinneqarnerannut aningaasat qanoq amerlatigisut atorneqarsimanerannik paasissutissanik immikkut ilaqartinneqartassasoq.*
3. *Isumaqatigiisutip §-iisa siullianni immikkoortumi kingullermi ”allanilluunniit” oqaasertaliisimaneq erseqqissarneqassasoq. Pisariaqarpat imatut allatut oqaasertaliineq “allanilluunniit nammineq pisuussutiginnisamik” taarsiullugu atorneqarsinnaavoq.*
4. *Piumasagaammik naammassinninnginneq isumaqatigiisummik annertuumik*

sumiginnaanertut isigineqassasoq § 4, imm. 5-imi aalajangersakkamut ilanngunneqassasoq.

5. *§ 6, imm. 3 aalajangersagaq allatut oqaasertalerneqassasoq, taamaaliornikkut erseqqissarlugu Arctic Greenfoodip paasissutissiinissaminik pisussaaffimminik naammassinninnissaata tungaanut Namminersorlutik Oqartussat akiliutissaminnik uninngatitsisinnaanerat Namminersorlutik Oqartussanut paasissutissiinissamut tunngaannarani aamma Kukkunersuinermit Ataatsimiititaliamut Aningaasaqarnermullu Ataatsimiititaliamut paasissutissiinissamut sammisinneqartoq.”*

Tamanna tunngavigalugu kiffartuussinissamik isumaqatigiissut suliame matumani pineqartumi atorpeqartup qaammatillu pingasut matuma siorna ataatsimiititaliamit itigartinneqartup assinga Naalakkersuisut atormassuk ataatsimiititaliamit *assut tupigusuutigineqarpoq*. Taamaalilluni Aningaasaqarnermut Ataatsimiititaliaq akuersissappat immikkoortunit tallimanit siuliani issuarneqartunit sisamat kiffartuussinissamik isumaqatigiissummi matumani pineqartumi aamma ilanngunneqassapput. Immikkoortorli 2 siuliani issuarneqartoq isumaqatigiissummut matumani pineqartumut tunngassuteqanngilaq.

Tamatuma saniatigut ataatsimiititaliap paasivaa § 2.2-mi oqaaseqatigiit aappaat immini kiffartuussinissamillu isumaqatigiissutip sinneranut atatillugu paasinanngitsoq. Taanna aamma iluarsineqassaaq.

Naalakkersuisut isummernissaannut tunngavissiami tusarniaaneq pillugu immikkoortumi allassimavoq oqaaseqaatit attuumassuteqartut Inuussutissarsiornermut aamma Aningaasaqarnermut Naalakkersuisoqarfimmeersut ilanngunneqartut. Tamanna Missingersuusiornermut malittarisassani aalajangersakkanut naapertuutinngitsoq Aningaasaqarnermut Ataatsimiititaliaq isumaqarpoq. Naalakkersuisoqarfiit oqaaseqaataat ilanngunneqanngikkunik oqaaseqarfigineqartussaapput, taamaalilluni Naalakkersuisoqarfiit akornanni isumaqatigiinngissutaasinnaasunut Naalakkersuisut Aningaasaqarnermullu Ataatsimiititaliaq isummersinnaaqullugit. Tamatuma saniatigut isumaqatigiissutini taakkunani kukkunerit ikilisinneqarnissaat siunertaralugu kiffartuussinissamik isumaqatigiissutimik suliqaarluni piareersarnermi Naalakkersuisut inatsisileriffiata akuutinneqartarnissaa sakkortuumik isumaliutigineqartariaqarpoq.

Isummernissamut tunngavissiap naggataata tungaani allassimavoq nunat immikkoortuinut pilersaarutit nunaqarfinni sorlorni tunisassiorfiit tulluarnerpaamik ingerlaannarnissaasa naliliiffigineqarnissaannik imaqaarnissaat ilimagineqartoq, taakkununga ilanngullugit sumi kiffartuussinissamik isumaqatigiissuteqartoqassanersoq aammalu atugassarititat piunasaqaatillu sorliit atorpeqassanersut. Tamanna nunaqarfiit pillugit misissueqqaarnermik suliap killiffia pillugu ilisimatitsissummut (ullulernerqarsimanngitsumut) Inuussutissarsiutinut Suliffeqarnermullu Naalakkersuisumit ataatsimiititaliap ungasinngitsukkut tigusaanut naapertuuppiangilaq.

Kiisalu suliame 01.31.06/10-00467-imi aalajangiinini, aalajangiineq matumani pineqartoq ilutigitillugu saqqummiunneqartumi, ataatsimiititaliap innersuussutigissavaa, tassa tunngaviusumik isummersuutit aalajangikkami tassani allassimasut suliame matumani pineqartumi aamma atuummata.

Ataatsimut isigalugu kiffartuussinissamik isumaqatigiissutinik iluarsisanik kiisalu siuliani

oqaaseqaatinut oqaatiginiakkaminnik Naalakkersuisut nassitsinissaat ataatsimiititaliamit utaqqimaarneqarpoq.

Aningaasaqarnermut Ataatsimiititaliap aalajangiinera

Siuliani allasimasutut paasinnilluni Naalakkersuisut inassuteqaataannut isummernissani Aningaasaqarnermut Ataatsimiititaliap **kinguartippaa**. Naalakkersuisut kalaallisut danskisullu akissuteqaataat aalajangikkap matumani pineqartup nassiunneranit sapaatip akunneri pingasut ingerlaneranni tigunissaa ataatsimiititaliap naatsorsuutigaa.

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliami siulittaasoq